




國立中央圖書館, TAIWAN, R.O.C.



339493



國立國史館 國史館藏書 339493




五代史缺文

具梁史三篇


梁太祖

世傳梁太祖迎昭宗於鳳翔素服待罪昭宗佯為鞋係脫呼
 梁祖曰全忠為晉繫鞋梁祖不得已跪而結之流汗浹背時
 天子扈蹕尚有衛兵昭宗意調左右擒梁祖以殺之其如
 無敢動者自是梁祖被召多不至盡去昭宗禁衛皆用汴人
 矣臣謹按梁祖以天復三年迎唐昭宗於岐下歲在甲子其
 年改大祐至國初建隆庚申歲纔立十六年矣然則乾德
 七十歲人皆目覩其事蓋唐室自懿宗失政天下亂離故

翰林學士王禹偁撰進



國家圖書館 NATIONAL CENTRAL LIBRARY, TAIWAN, R.O.C.



武宗已下實錄不傳于世昭宗一朝全無記注梁祖在位正及六年均帝朝召史臣修梁祖實錄岐下繫鞋之事恥而不書晋天福中史臣張昭重修唐史始有昭宗本紀但云即位之始有會昌之風岐陽事迹不能追補以亦明唐昭宗有英睿之氣而衰運不振又明左右無忠義奮發之臣致梁祖得行其志有所驚戒不可不書


廣王金昱

全昱梁祖之兄也既受禪宮中開宴惟親王得與因為博戲全昱酒酣忽起取髓子擊益逆散梁大呼梁祖曰米三汝碣山一民因天下飢荒入黃巢作賊天子用汝為四鎮節度使富貴足矣何故滅他李家三百年社稷稱王稱朕吾不忍

見血吾族矣安用博為梁祖不悅而罷臣謹按梁史叙廣王金昱傳曰昱朴野常呼帝為三宮中博戲之事諱之夫梁祖弑二君殺一皇后名臣被害者不可勝紀及莊宗之汴盡誅朱氏惟全昱先令終至道中知單州有稱廣王之後與尼訟田宅者豈以一言之善獨存其嗣耶

司空圖

圖字表聖自言泗州人少有俊才咸通中一舉登進士第雅好為文躁於進取頗自矜伐端人鄙之初從事使府泊登朝驟歷清顯巢賊之亂車駕播遷圖有先人舊業在中條山極林泉之美圖自禮部員外郎因避地焉曰以詩酒自娛屬天下版蕩士人多往依之互相推獎由是聲名藉甚昭宗反正




以戶部侍郎徵至京師圖既負才慢世謂已當為宰輔

時要惡之稍抑其志圖憤謝病復歸中條與人書疏不名
官爵但稱知非子又稱柰辱居士其所居曰積貽谿上結
茅屋命曰休亭嘗自為亭記云云已上梁史舊文

臣謹按圖河中廣鄉人少有文采未為鄉里所稱會王凝自
尚書即出為絳州刺史圖以文謁之大為凝所賞嘆由是知
名未幾疑入知制誥遷中書舍人知貢擢圖上茅項之疑出
為宣州觀察使辟圖為從事既渡江御史府奏圖監察
下詔追之圖感疑知己之恩不忍輕離幕府滿百日不赴闕
為金司所劾遂以本官分司久之徵拜禮部員外郎俄知
制誥故集中有文曰慈恩稽命點繫洛師於今十年方

忝綸閣此豈躁於進取者耶舊史不詳一至於此是圖見唐政
多僻中官用事知天下必亂即棄官歸中條山尋以中書舍
人徵又拜禮部戶部侍郎皆不起及昭宗播遷華夏圖
以密迹乘輿即時奔問復辭還山故詩曰多病形容五十
三誰怜借笏趨朝叅此豈有意於相位邪河中節度使王
重榮請圖撰碑得絹數千足圖置于虞鄉市心恣鄉人所
取一日而盡是時盜賊充斥獨不入王官谷河中士人依圖
避難獲全者甚眾昭宗東遷又以兵部侍郎召至洛下為
孫所阻一謝而退梁祖受禪以禮部尚書徵辭以老病卒時
年八十餘臣又按梁室大官如恭本諱犯翔李振杜曉楊
涉等皆唐朝舊族本心忠義立身重侯累將三百餘年一



且妾質朱梁其甚贊成弑逆惟圖以清直避世終身不仕梁
祖故梁史拾圖小瑕以泯大節者良有以也

後唐史七篇

武皇

世傳武王臨薨終於晉王尊位故不詳崩以三矢村莊宗曰一矢討劉

仁恭汝不先下幽州河東未可圖也一矢擊契丹且曰阿保

機與吾把臂而盟結為兄弟誓復唐家社稷今皆約阿保

必伐之一矢滅朱溫汝能成吾志死無恨矣莊宗歲三矢於

武皇廟廷及討劉仁恭命幕吏以火牢告廟請一矢盛以

錦囊使親將負之以為前驅凱旋之日隨俘馘納矢于太

廟伐契丹滅朱氏亦如之文武皇眇一目也謂之獨眼龍性

喜殺左右小有告過失必寘于死矧諱眇人無敢犯者嘗令

寫真畫工即為撚箭之狀微瞑一目圖成而進武王大悅賜

予甚厚

莊宗

莊宗嘗因博戲觀翳子未有暗相輪者心悅之乃自製暗箭

格凡博戲並認未之在下者及同光末鄴都兵亂譙以兵犯


興教門莊宗禦之中流矢而崩識者以為暗箭之應

張承業

莊宗將即位于魏州承業自太原至謂莊宗曰吾王世奉唐

家最為忠孝自貞觀以來王室有難承業不從所以老奴三

十餘年為吾王招拾財賦召補軍馬者誓滅逆賊朱溫復本



朝宗社耳今河朔甫定朱氏尚存吾王遽即大位可乎云

其下事 朝宗曰奈諸侯將意何承業知不可諫止乃慟哭

曰諸侯血戰者本為李家今吾王自取之悞老奴也夫即歸太原不食而死臣謹按莊宗實錄叙承業諫即位事甚詳唯

吾王自取之言不書史官諱之也

張全義唐昭宗賜梁祖名全忠賜張言名全義入梁改名全義

梁乾化元年七月辛丑梁祖幸全義私第甲辰歸大內梁史

稱上不豫獻秋暑章宗奭第數日宰臣親事於仁岐亭崇政

使梁改樞密諸司並上於河南令解署世傳梁祖亂全義之

家婦女悉皆進御其子繼祚不勝憤欲刃於梁祖全義

止之曰吾頃在河陽遇李罕之之難引太原軍圍經年嗾不

屑以度朝夕死生頃刻得他謂梁祖救援以至今日此恩

不可負也其子乃止梁史云云者諸國惡也臣謹按春秋莊

公二年經曰十有二月夫人姜氏會齊侯于槎傳曰書奸也

夫經言會者譏惡禮也傳書奸者暴其罪以垂誡也又莊二

十二年傳書齊陳完飲桓公酒公曰以火繼之辭曰臣卜其

晝未卜其夜豈有天子幸人臣之家留止數日奸亂明矣况

全義本出巢賊敗依河陽節使諸葛奕用為澤州刺史及

奕死全義事奕子仲方即與李罕之同逐仲方罕之帥河陽

全義為河南尹未幾又逐罕之自據河陽其翻覆也如此自

是托迹朱梁斷喪唐室雖勤勸課其實飲民附賊以固恩寵

梁時月進鎧馬以補軍實及梁祖為友珪所弑進錢一百



萬以助山陵莊宗平原全義合與共翔李振等誅又通
賂于劉皇后仍請莊宗幸洛言臣已有郊夫費用夫全義匹
夫也豈能自殖貸財其剝下奉上也又如此晚年保証明宗
欲為子孫之福師方渡河鄴都兵亂全義憂恨不食終以餓
死未死前其子維業訟弟汝州防禦使維孫莊宗敗虜州司
戶賜自盡其制畧曰侵奪父權或亂家事縱禽獸之行畜臬
鏡之心其御家無法又如此河南令羅貫方正文章之士
事全義稍慢全義怒告劉皇后斃貫于柵木之下朝野寃之
洛陽監軍使嘗收得李太尉平泉醒酒石全義求之監軍不
與全義立殺之其附勢作威也又如此斯蓋亂世之賊臣得
保首領為幸則多晉天福中其子維祚謀反伏誅識者知餘


殃在子孫也臣讀莊宗實錄見史官叙全義傳虛美尤甚至
今負俗無識之士尚以全義為名臣故因補缺文粗論其事
迹云

明宗

明宗出自戎虜老於戰陣即位之歲年已六旬純厚仁慈本
乎天性每夕宮中焚香仰天禱祝云某人藩也遇世為衆推
戴已願上天早生聖人與百姓為主故天成長興間比歲豐
登中原無事言于五代粗為小康

安重誨

明宗令翟光鄴李從璋誅重誨于河中私弟從璋奮搗擊重
誨于地重誨曰某死無恨但不與宦家誅得潞王他日必為



清泰帝

朝廷之患言終而絕臣謹按明宗實錄是清泰帝朝修撰澄王即清泰帝也史臣諱避不敢直書嗚呼重誨之忠節泯矣

晉史一篇

晉高祖


梁開平初潞州行營使李思安奏壺關縣橫鄉民伐樹之什

自分為二上有六字如左書云天十四載石進梁帝歲于武庫時莫詳其義至帝即位識者曰天字取四字加之于傍則丙字也四字去中之兩畫加十字帝即位之年乃丙中也晉者進也石者姓也已上晉史舊云臣謹按唐天祐二十年歲在癸未其年莊宗建號改同光元年至清泰三年歲在丙申其年晉帝即位改天福元年自未至申凡十四載矣故識書云天十四載石進者言自天祐滅後者十四載石氏興于晉也豈可明乎而拆字解識以就丙申非也

漢史二篇

王淑妃許王從益

王淑妃明宗妃也從益明宗幼子也而見於漢史者為漢



祖所殺故也

漢高祖自太原起軍建號至洛陽命郭從命先入京師受密旨殺王淑妃與許王從益淑妃臨刑號泣曰吾家子母何罪吾兒為契丹所立非敢與人爭國何不且留吾兒每年寒食使持一盃飯洒明宗陵寢聞者無不泣下臣謹按隱帝朝詔史臣修漢祖實錄叙淑妃從益傳但云臨刑之日焚香俟命蓋諱之也

劉洙

漢隱帝朝洙為開封戶周祖自鄴起兵洙盡誅周祖之家皇建統即周祖家子孫婦女十數人極其慘毒及隱帝遇害周祖以漢太后令收洙下獄使人責之漢洙對曰某為漢家僕叛


族耳不知其他周祖怒遂殺之臣謹按周世宗史官修漢隱帝實錄洙之忠言諱而不載洙今有子李和權進士第

周祖四篇

周太祖馮道

周太祖在漢隱帝朝為樞密使將兵伐河中李守貞時馮道守太師不與朝政以疾請告周祖謁道于私第問伐蒲策道辭以不在其位不敢議國事周祖因問之道不得已謂周祖曰相公頗知博乎時周祖始周祖微特好蒲博屢以此抵罪疑道議已勃然变色道曰是行猶博也夫博財多者氣豪而勝財寡者氣怯而輸守貞在晉累典禁兵自謂軍情附已遂謀反耳今相公誠能不惜官錢廣施惠愛明其賞罰使軍心





許國則守貞不足慮也周祖曰恭聞命矣故伐蒲之後周祖
以便益宜從事卒成大功然亦軍旅歸心終移漢祚又周祖
自艱起兵赴闕漢隱帝兵則遇害于劉子坡周之入京師百
官謂周祖見道猶設拜意道便行推戴道受拜如平時徐曰
侍中此行不易時周祖
兼侍中周祖氣沮故禪代之謀稍緩及請道
詣徐州冊湘陰公為漢嗣道曰侍中由襄乎周祖設誓道曰
莫教老夫為謬語今為謬語人臣謹按周世宗朝詔御史臣
修周祖實錄故道之事迹所宜諱矣

王峻

廣順初河東劉崇引契丹攻晉州遣峻帥師赴授峻頓兵于
陝周祖欲親征遣使諭之使即故蒲州團練使翟守素峻見
也嘗與臣言已上事迹

使受宣訖特准傳曰
宣無詔書謂使曰與某馳還附奏陛下謂周言晉
祖也

州城堅未易可拔劉崇兵鋒方銳不可與力爭所以駐兵者
待其氣衰耳非臣怯也陛下新即位不宜輕舉令朝中受聖
知惟李穀范質而已陛下若車駕出汜水則慕容彥超以賊
兵入汴大事去矣時彥超據
兗州叛使還具奏周祖自以手提耳目
曰幾敗吾事

世宗符皇后

符皇后先適河東節度使李守貞之子崇訓守貞嘗得術士
善聽聲知人貴賤守貞舉族悉令術士听之獨言后大貴當
母儀天下守貞信之因曰吾婦尚為皇后吾可知也遂謀叛
及城陷后獨免周祖為世宗娶之顯德中冊為后臣以謂術

士之言蓋亦有時而中人君之位安可無妾而求公侯其誠
之

王朴

周顯德中朴與魏仁浦俱為節度使時太祖皇帝已掌禁
兵一日有殿直乘馬悞衝太祖導從太祖自詣密地訴其無

禮仁浦令宣徽院勘詰朴謂太祖曰太尉時太祖檢名位雖

高未加使相殿直廷臣也與太尉比肩事主太尉况帶軍職

不宜如此太祖唯之而出臣謹按朴之行事傳于人口者甚


衆而史氏闕書臣昨重修太祖實錄已於李穀傳中見朴遺

事今復補其大者况太祖太宗在位每稱朴有公輔之器朝

列具聞

五代史闕文終





© 1987 THE NATIONAL CENTRAL LIBRARY, TAIWAN, R.O.C.





國立中央圖書館 NATIONAL CENTRAL LIBRARY, TAIWAN, R.O.C.

